

"Ko te Aho Matua te tāhuhu o tōku whare. Ko te reo, me ūna tikanga, ngā heke, whakamau. Ko te

Tēnā kōutou e te whānau o Ngā Mokopuna.

He mihi tēnei ki a kōutou ōtira, tātou katoa. Kua tūtuki pai tātou i tēnei tau manahau ahakoa ngā piki me ngā heke, kua ea katoa i ngā mahi mō te tau nei. Kāti rā, me mihi atu ki ngā tamariki, ki ngā tauira kua kaha haramai ki te kura ahakoa e rere tonu ana te mate Kōwheori-19. He mihi hoki ki ngā tauira wharekura kua ea i ngā aromataawai NCEA. He akiaki hoki ki ngā tauira e haere tonu ana ngā aromataawai NCEA. Karawhiua e hoa mā!

He reta whakamihi, whakatūpato anō hoki tēnei e hoa mā. He mihi nūnui tēnei ki ngā whānau, ngā kaiako, mei kore ake ko kōutou, kua kore tātou e momoho ki roto i ngā hekenga o te tau nei.

Ki ngā whānau e wehe atu ana i Poneke mō ngā hararei e haere mai nei, kia haumaru, kia matāra te haere. Haere pai atu, hoki pai mai.

He akiaki tēnei ki te hunga kāore e hiahia ana i te wero arai mate urutā. Ahakoa kāre koe e hiahia ana, me whai whakaaro koe ki tō whānau. Ko tēnei wero e awhina, e whakahaumaru ana i tō whānau kia kaua tētahi e māuiui. Ki a au nei, me whai wero tātou katoa kia taea e tātou te noho haumaru, ā, kāre e mahara ana mēna ka pāngia te Kōwheori-19 ki a tātou. E taea te haere ki wāhi kē, pēra i Rarotonga.

"Me mahi tahi tātou mō te oranga o te katoa." Kia haumaru ngā hararei e hoa mā!

Nā Mihirangi Kohatu—Tau 9

Tēnā anō tātau.

E te whānau o Ngā Mokopuna, ko te reo maioha e rere atu ana ki a koutou, mātua mā, kaumātua mā, taiohi mai, tamariki kōhungahunga mā hoki, tātou kua noho piri tata ana ki te kāinga, tēnā rā koutou katoa, mauri ora ki a tātou.

Tēnā tātau e te whānau o Ngā Mokopuna i ngā tini āhuatanga o te wā. E tere tīni ana ngā āhuatanga nā te mate urutā, nā reira he mea nui kia mataara tātau.

Ka tuku ōku mihi ki ngā pouako kua whāngai i te mātauranga ki a mātau ngā pia o Ngā Mokopuna, ki tō tātau ringa wera, Matua Dion, nei ra ngā mihi ki a koe, ki ngā tāngata e whakapai ana i tō tātau kura, tēna koutou.

E te whānau o Ngā Mokopuna, mauri ora ki a tātou i te taenga mai o te otinga o tēnei wahanga. E te whānau e whakatata mai ana te wā kia tīmata ngā hararei, kāore e kore he hari, he koa nō koutou ēngari me noho haumaru tātau te whānau i raro i Te Aho Matua.

Nā Fuatino Latu—Tau 10



te



Tēnā koutou e te whānau o Ngā Mokopuna, nei rā mihi ki a koutou otirā, tātou katoa.

te

i

Tuatahi ake, me mihi ka tika ki ngā whānau kua kaha āwhina i te kura pera i te whakarite i ngā kai mō ngā kaupapa e mahia, te whakarite kaupapa kohi moni mō kura. Ahakoa ngā heke i tēnei tau pērā i te noho taratahi me ngā raruraru e pā ana ki te kura hou, kei te ora tonu tātou ā tinana, ā wairua hoki.

Tuarua, he mihi nui tēnei ki ngā kaiako. Kāore tēnei tau tētahi tau ngāwari, ao i te pō, pō i te ao i reira ngā kaiako e whakarite i ngā hei mahi mō o rātou ākonga, i noho rātou ki te kura tae noa ki te weheruatanga o te

pō ki te whakarite i ngā hei mahi hākoakoa hei whakanui i o rātou ākonga, i whakarite mahi rātou mō o rātou ākonga i te wā o te noho mohoāo.

Nō reira me mihi nui ki a rātou mō te whakarite i ēnei kaupapa hirahira, mō te whakarite i ngā whakahōnore, mō te whakarite hoki i ngā rā hākoakoa hei whakanui i a mātou.

Ko taku mihi whakamutunga, he mihi ki āku teina me ūku tūākana. Ka hoki atu ki āku kōrero, kāore tēnei tau i te tau ngāwari mō mātou ngā ākonga engari kua tutuki mātou i tētahi tau anō mai i te Rā o Waitangi, ki Ngā Manu Kōrero mutu ana ki ngā whakamātautau. Kua tere haere tēnei tau engari e taea ana te kī, kua ea tētahi tau anō.

Hei whakakapi i taku kōrero: "Ko Te Aho Matua te tāhūhū o tōku whare, ko te reo me ūna tikanga ngā heke whakamau, ko te whānau te whanaungatanga ngā pou!" Mauri ora e te whānau whānui o Ngā Mokopuna.

Nāku iti nei: Raukura Chankee-Paea -Tau 10

1.4 Ko te ngakau te mata me te kuaha o te wairua. Otira, ko te whiu o te kupu, ko te wero, ko te riri, ko te aroha, ko te humarire, me enei ahuatanga katoa he mea kuhu ki te ngakau titi tonu ki te wairua. Koia nei te timatanga o te korero 'kia ngakau mahaki'. Ma tenei hoki ka tika te korero 'He oranga ngakau he pikinga waiora'.

Tēna koutou e te whānau o ngā Mokopuna. He mihi tēnei ki a koutou mō to tātou kaha, me tō tātou tiaki i tētahi atu. He miharo te noho tahī ki a koutou mo te tau nei, he mīharo hoki te kite i te kaha i roto i a tātou i te noho mohoao.



Tuatahi: ka tuku mihi ahau ki ngā mātua, ngā kaiako hoki mō te ārahi me te whakakotahi i a tātou i te wā i noho mohoao tātou te motu.

Tuarua: kei te tuku mihi ahau ki ūku teina, me ūku tuakana mo to koutou kaha ki te haere mai ki te kura ahakoa he mate e rere haere ana, me te kaha ki te hono ki ngā zui i te noho mohoao, kua ea te tau 2021, nau mai te tau hou!

Tuatoru: Meri kirihimete ki a tātou katoa, ko te tūmanako ka pai tā koutou hararei (mehemea he hararei tāu), ko te tumanako ka noho haumaru koutou ki te taha o te whānau.

Aroha atu, aroha mai tētahi ki tētahi.
Ngā mihi nui - Meadow Hussey Tau 9

4.I Ko tōna ake kainga te ao tuatahi me te kura timatanga o te tamaiti. Tua atu o tēnei ko te ao Māori. Mā te Kura Kaupapa Māori ia e arahi i roto i enei nekeneke tae noa ki tōna kura whakamutunga, ara, ki te ao whanui me ūna ahuatanga katoa.

Te Wahanga Tuawha - 03.12.2021

Rāhina	07.12.21	1pm	3pm	Puna kaukau te kura katoa	
Rātū	07.12.21	11.15am	3pm	He rā hākoakoa	Te Kura katoa ki te kura
Rāpare	09.12.21			Rimurimu—Whakaaturanga	Taiohi Tuakana—TBC
Rāmere	10.12.21	6pm	7.30pm	Hū wira	Recreation Centre, Kilbirnie
Rāhina	13.12.21	1pm	3pm	Puna kaukau te kura katoa	
Rātū	14.12.21		3pm	Rā Mauri Tau - ka mutu te kura mō te tau nei	

Poiuka: 04.12.21

- ◊ **U13 Boys:** 9am: vs Porirua City United—Jerry Collins Stadium, 79 Gear Terrace, Ranui, Porirua
- ◊ **U13 Girls:** 9am: vs PK: Poneke Kilbirnie — Haitatitai, Diamond 1
- ◊ **U11 Mixed:** 9am: vs Royals Softball Club: Royals Raiders: Wakefield Park, Diamond 2a
- ◊ **U9 T Ball:** 9am: vs Miramar Diamond, Veldrome D1a, Miramar

This information is also available on the WN softball site: *Wellington softball junior draw*

He Pitopito Kōrero:

- ◊ He Rāwhara Kirihimete

Thanks to all who have returned their tickets and brought in some koha for our grocery hamper rourou. We could do with some more items if you haven't yet brought any in. Any kai that your tamariki like to eat would be great eg their fave breakfast cereals / instant noodles, spaghetti. Or your fave special treat kai to eat! If you are struggling with your tickets, please contact Koka Deanna asap as we have some whānau happy to try and sell spares,

Raffle will be drawn on Friday 10 December 2021 at 2.30pm. Winners will be contacted by phone.

Ohu Kohi Putea

- ◊ **2022 Kakahu kura:** whānau wishing to purchase new kakahu kura for 2022, please contact the tari: tari@tkkmmokopuna.school.nz. There are lots of un-named kakahu kura. Please go to the tari and check the growing pile of clothes.

Ngā Kākahu Kura

Arā noa atu ngā painga o ngā kākahu kura ki roto i ngā kura, otirā ki roto i ngā momo rōpū maha. He whakaatu i tō tūhonotanga ki tētahi kaupapa, ā, he whakaatu i tō tātou mahi tahi kia tutuki taua kaupapa.

Nō reira, e tika ana kia tae rite mai ngā ākonga ki te whakamau i ngā kākahu kura e tika ana i ia rā. E whai ake nei ngā kākahu kura e tika ana:

Kura Tuatahi:				
Hāte Kura 	Poraka Kura 	Koti Kura 	Tōkena PANGO 	
Tarau Poto ŌRANGIURU 	Tarau Roa ŌRANGIURU 	Hū PANGO 	Hū Pāraepare PANGO 	

Kakahū Hākinakina Hou

Tēnā koutou e te whānau, tokoiti tonu ngā whānau i tonoa mai ki te hoki kākāhū hākinakina mō tō tamaiti. Kia kaha tonu mātua mā, akuanei kei te karanga ki a koutou katoa ki te whakahoki mai ngā kākāhū o te kura mo ngā kaupapa ā-kura. He paku rerekē ngā tarau poto, he āhua iti iho hoki ki ngā tarau tawhito.

Tihāte hākinakina

Size 2-16

\$20 + \$8.50 (ingoa - tuatahi, ingoa whānau, karekau rānei)



Tarau poto (sublimated)

\$45 each



Hoodies Tamariki:

\$35 + \$8.50 (ingoa tuatahi, ingoa whānau rānei)



Hoodies Pakeke:

\$45 + \$8.50 (ingoa tuatahi, ingoa whānau, karekau rānei)